



*JABATAN PERKHIDMATAN VETERINAR MALAYSIA*

# **LAPORAN LIPUTAN MEDIA**

**4 Ogos 2019**

1. Lebih 200 anjing baka terlarang dalam Negara; Berita Harian

OLEH:

**SEKSYEN KOMUNIKASI KORPORAT DAN ANTARABANGSA  
BAHAGIAN PERANCANGAN  
JABATAN PERKHIDMATAN VETERINAR MALAYSIA**

MEDIA CETAK		MEDIA ELEKTRONIK	
<input checked="" type="checkbox"/> BERITA HARIAN	<input type="checkbox"/> THE MALAY MAIL	<input type="checkbox"/> BERITA HARIAN	<input type="checkbox"/> THE MALAY MAIL
<input type="checkbox"/> UTUSAN MALAYSIA	<input type="checkbox"/> THE STAR	<input type="checkbox"/> UTUSAN MALAYSIA	<input type="checkbox"/> THE STAR
<input type="checkbox"/> SINAR HARIAN	<input type="checkbox"/> KOSMO	<input type="checkbox"/> SINAR HARIAN	<input type="checkbox"/> KOSMO
<input type="checkbox"/> HARIAN METRO	<input type="checkbox"/> NEW STRAITS TIMES	<input type="checkbox"/> HARIAN METRO	<input type="checkbox"/> NEW STRAIT TIME
<input type="checkbox"/> THE SUN	<input type="checkbox"/> SUNDAY STAR	<input type="checkbox"/> THE SUN	
<b>RUANGAN :</b> Nasional	<b>M/SURAT:</b> <input type="text" value="64-65"/>	<b>RUANGAN :</b>	
PERKARA			
<input type="checkbox"/> DASAR JABATAN	<input type="checkbox"/> IMPORT EKSPORT	<input type="checkbox"/> SISTEM KUALITI	<input type="checkbox"/> PELBAGAI
<input type="checkbox"/> KESIHATAN AWAM	<input checked="" type="checkbox"/> KAWALAN PENYAKIT	<input type="checkbox"/> PENGUATKUASAAN	
<input type="checkbox"/> KEBAJIKAN HAIWAN	<input type="checkbox"/> TEKNOLOGI VETERINAR	<input type="checkbox"/> ADUAN	
TARIKH			
<b>4.8.2019</b>			

# Lebih 2,000 anjing baka terlarang dalam negara

Premis persendirian biak, jual antara RM1,000 hingga RM5,000 seekor

Oleh Fahmy A Rosli  
fahmy.azril@bh.com.my

**Kuala Lumpur:** Premis atau tanah persendirian seperti kawasan rumah dan ladang dijadikan tempat pembiakan haram baka anjing terlarang meskipun Jabatan Perkhidmatan Veterinar (JPV) melarang baka berkenaan diimport ke negara ini.

Kawasan sedemikian yang dijadikan tempat membiak baka terlarang itu sukar dikesan penguat kuasa JPV dan pihak berkuasa tempatan (PBT).

Baka induk pula boleh dikatakan mudah diperolehi secara haram dari pembekal luar negara. Difahamkan, Thailand adalah antara negara pembekal baka anjing terlarang terutama membiak spesies American Pitbull Terrier.

American Pitbull Terrier adalah antara tujuh baka anjing yang dilarang import ke negara ini oleh JPV dan Jabatan Perkhidmatan Kuarantin dan Pemeriksaan Malaysia (MAQIS).

Enam baka lain yang turut dilarang ialah American Bulldog, Neapolitan Mastiff, Japanese Tosa, Akita, Dogo Argentino dan Fila Brasileiro.

Di Malaysia, American Pitbull Terrier adalah baka paling mendapat permintaan dalam kalangan penggemar anjing kerana ia dikatakan bijak, gagah dan pantas walaupun bersaiz sederhana.

Untuk menampakkan riak yang bengis, ada pemilik anjing baka berkenaan mengerat kedua-dua telinga sehingga kelihatan separuh atau kecil supaya muka anjing itu lebih bengis.

Difahamkan, baka anjing terlarang mudah menyelusup masuk ke negara ini bukan sahaja melalui laluan tikus malah ada pihak berani dan secara terang-terangan menggunakan laluan 'sah' iaitu melalui pintu sempadan negara.

Ia membiakkan pintu sempadan Bukit Kayu Hitam dan Durian Bu-

**Laporan Khas**

rung masing-masing terletak di sempadan Kedah-Thailand. Di Sabah dan Sarawak pula, baka anjing berkenaan dipercayai diseludup melalui jalan air dari Filipina dan Vietnam.

Pelbagai kaedah digunakan individu terbabit untuk menyeludup masuk baka berkenaan ke negara ini bagi memenuhi permintaan pasaran berikutan seekor baka anjing American Pitbull Terrier mampu mencecah RM2,000 bagi yang berusia empat minggu.

Anak anjing baka terlarang pada usia empat minggu sering menjadi pilihan untuk diseludup berikutan ia kelihatan seperti anjing biasa.

Kaedah yang selalu digunakan adalah dengan mencampurkan anak anjing baka terlarang dengan baka biasa yang lain. Ini kerana, luran anjing itu kelihatan sama dengan anjing biasa lain.

Difahamkan, terdapat empat saluran untuk membeli baka berkenaan.

Saluran pertama, melalui penjual persendirian. Mereka mendapat 'stok' anjing terlarang daripada pembekal dari Johor, Perak dan Pulau Pinang. Ada juga yang memperoleh baka berkenaan dari pembekal luar negara seperti Thailand.

Saluran kedua, membeli terus daripada pembekal tempatan atau dari luar negara yang mengiklankan khidmat mereka secara dalam talian melalui media sosial seperti Facebook dan platform membeli-belah dalam talian.

Saluran ketiga, membeli daripada kedai haiwan peliharaan yang dipercayai beroperasi secara sah apabila memiliki permit dan lesen berniaga daripada PBT atau dibenarkan agensi penguat kuasa terbabit.

Saluran keempat, terdapat kakitangan daripada persatuan anjing tempatan yang 'mencadangkan' nama beberapa ahli berdaftar di bawah persatuan bukan kerajaan (NGO) itu untuk membeli anjing daripada individu berkenaan.

Presiden Persatuan Haiwan Malaysia, Arie Dwi Andika, berkata be-

### Modus operandi penyeludupan baka anjing terlarang

- » Dibawa masuk seawal umur empat minggu selepas cerai susu ibu.
- » Pada umur sedemikian, rupa dan fizikal anjing kelihatan mirip dengan baka anjing domestik atau tidak dilarang.
- » Cara itu digunakan bagi mengelirukan penguat kuasa di pintu sempadan.
- » Pintu masuk sempadan Malaysia-Thailand merangkumi Bukit Kayu Hitam dan Durian Burung masing-masing di Kedah menjadi laluan penyeludupan.

Neapolitan Mastiff » Itali  
American Pitbull Terrier » Amerika Syarikat  
Bull dog » Amerika Syarikat  
Akita » Jepun  
Fila Brasileiro » Brazil  
Dogo Argentino » Argentina  
Japanese Tosa » Jepun

### Modus operandi penyeludupan

Anjing di sembunyikan di bawah tempat duduk belakang dan lantai kereta

Baka terlarang  
Baka domestik

Sebanyak 30 ekor anjing merangkumi anak anjing baka terlarang dicampurkan dengan baka domestik bagi mengelirukan pihak berkuasa

### Kronologi serangan anjing

27 Jun 2019  
» Kanak-kanak berusia perempuan berusia 11 tahun parah di muka digigit anjing jenis Pitbull dekat Taman Makmur, Endau, Mersing

18 Oktober 2017  
» Seorang kanak-kanak berusia setahun empat bulan parah digigit anjing selepas motosikal dinaiki bersama ibu dan bapa saudaranya terbas ke sebuah rumah kedai di Taman Banang Heights dekat Batu Pahat, Johor.

9 Oktober 2017  
» Seorang kanak-kanak berusia setahun lima bulan cedera digigit anjing liar yang berkeliraran di kawasan kediaman mangsa di Taman Peris.

24 Februari 2016  
» Seorang kanak-kanak berumur dua tahun cedera parah dan terpaksa menerima sepuluh jahitan di lepaia selain retak tulang bahu selepas diserang kira-kira 10 ekor anjing liar berhampiran Kompleks Bas Rapid.

# Mohon benar-bela American Pitbull Terrier



## Pitbull Malaysia >

PUBLIC GROUP · 9K MEMBERS

Join Group

### About

Join n share anything about Pitbull

See All

Antara laman sosial yang menjual serta kumpulan yang aktif berkaitan anjing baka terlarang.

**Kuala Lumpur:** Satu petisyen akan dihantar kepada Datuk Bandar Kuala Lumpur supaya satu baka terlarang iaitu American Pitbull Terrier dibenarkan untuk dipelihara.

Mengetuai gerakan itu, S Selvam, 30, pemilik anjing baka terlarang jenis American Pitbull Terrier yang menetap di Jalan Klang lama.

Bekerja sebagai jurutera, beliau sedaya upaya mengumpulkan sebanyak 1,000 tandatangan melalui satu petisyen.

Katanya, matlamat petisyen itu antara lain bagi mewujudkan dan menyebarkan kesedaran kepada orang awam dan pihak berkuasa supaya memahami situasi sebenar mengenai anjing.

"Saya cuba jelaskan bahawa jika pemilik anjing itu ajar benda salah, kemungkinan besar anjing itu turut akan bermasalah. Jika pemiliknya bertanggungjawab, anjing ini akan jadi betul.

"Saya tinggal di sebuah kondominium dekat Jalan Klang Lama. Di sini ada orang Melayu, Cina dan India. Untuk pengetahuan, semua aktiviti saya bersama anjing dilakukan di kawasan kondominium ini. Saya dapati, reaksi mereka positif dan mereka juga terkejut anjing American Pitbull yang saya bela dalam keadaan baik.

"Jadi, saya sedang menyebarkan kesedaran kepada semua supaya orang faham situasi sebenar dan tidak pukul rata. Usaha ini dapat mengelak persepsi buruk terhadap anjing. Apa pun, semua bergantung sepenuhnya terhadap pemilik

anjing. Kalau tidak bersedia, nasihat saya jangan bela anjing," katanya kepada BH.

Mengulas lanjut, Selvam berkata, bukan mudah memelihara anjing sekiranya anjing itu daripada baka yang agresif dan memiliki stamina tinggi.

Misalnya, beliau berkata, anjing terlarang yang dipelihara hampir empat bulan lalu memerlukan rutin latihan intensif secara berturutan supaya haiwan itu dapat menggunakan tenaga dimiliki dengan sebaik mungkin.

Katanya, baka anjing jenis American Pitbull Terrier sememangnya anjing yang berstamina tinggi selain begitu aktif bermain.

"Anjing yang saya bela ini memerlukan latihan. Ia gemar bermain. Ia bermaksud, anjing ini jenis yang aktif. Jadi, ia memerlukan saya untuk selalu membawanya keluar seperti berlari atau berjalan.

"Rutin sebegini amat diperlukan supaya ia dapat membina fizik serta mental yang sihat. Perhatian secukupnya atau komitmen tinggi perlu diberikan. Anjing ini bukan sekadar bela begitu saja tetapi kita perlu sentiasa meluangkan masa untuk bermain dengannya.

"Saya ambil masa kira-kira dua bulan untuk melatih anjing ini supaya ia patuh arahan. Saya kena ajar ia bersabar, cara makan dan minum. Kalau lepas tali pun anjing itu tidak akan lari," katanya.

Beliau berkata, pemilik yang pasif boleh menyebabkan anjing peliharaan bertukar ganas sehingga berisiko tinggi mencederakan orang sekeliling.

## Sesuai pelihara di kawasan ladang bukan rumah

**Kuala Lumpur:** Seorang penjual anjing beranggapan baka anjing terlarang boleh dibela di ladang dan bukan di kawasan perumahan.

Mahu dikenali sebagai Mohan, lelaki berusia dalam lingkungan lewat 40-an itu berkata, jika sesiapa mahu membela di kawasan ladang, mereka tidak memerlukan sebagai dokumen kebenaran seperti permit untuk berbuat demikian.

Menjalankan perniagaan itu di Johor Bahru, Johor, dia mengakui terpaksa mendapatkan baka anjing terlarang itu di negeri lain.

"Tak payah (perlu) permit kalau (bela) dalam ladang. Tak payah apa-apa pun (dokumen). Pitbull tak boleh simpan di kawasan rumah. Kalau ladang orang tak mengadu.

"Sebenarnya, tak banyak (di Jo-

hor). Sebab tak ramai yang biak Pitbull. Kena cari di negeri lain juga. Ada orang biak di Pulau Pinang, Perak, Melaka dan Kuala Lumpur.

"Harga RM1,000 hingga RM1,500 seekor (Pitbull). Tempah hari ini, dalam dua minggu sampai. Nak bela tak ada risiko," katanya.

Seorang pembiak anjing, Muzaffar Ishak, 47, pula berkata terdapat komuniti yang membela anjing terlarang di negara ini yang bergerak secara rahsia.

Selain membela dan meminati, katanya, kumpulan itu juga ada menganjurkan 'kelas' mengajar cara membiak baka terlahit.

"Ada komuniti tetapi kumpulan rahsia. Kalau kita ingin sertai mereka di Facebook, mereka susah benarkan. Mereka akan siasat latar belakang kita dahulu, ba-

**Ada komuniti tetapi kumpulan rahsia. Kalau kita ingin sertai mereka di Facebook, mereka susah benarkan. Mereka akan siasat latar belakang kita dahulu, barulah boleh sertai mereka.**

Muzaffar Ishak, Pembiak anjing

ruah boleh sertai mereka.

"Kita di Malaysia, setiap minggu kumpulan itu buat program (ajar biak anjing). Persatuan anjing pun ada ajar bagaimana untuk biak anjing," katanya kepada BH.

Muzaffar yang berpengalaman membiak anjing dan kucing hampir 10 tahun mendakwa, baka anjing terlarang mudah masuk ke negara ini ketika ia berusia empat minggu.

Pada usia sebegini, katanya, pegawai pemeriksa di lapangan sukar mengenal pasti rupa bentuk anjing itu sama ada berasal daripada tujuh baka anjing terlarang atau sebaliknya.

"Bawa masuk dalam bentuk puppy (anak anjing). Usia empat minggu selepas cerai susu ibu. Apabila puppy, lepaslah (pemeriksaan sempadan)," katanya.